

Pa motibo di trabounan cu mester wordo haci

Crusada Weststraat y L.G. Smith Boulevard ta cera fin di siman



ORANJESTAD – Director di DOW Jossy Figaroa den un conferencia di prensa a anuncia cu e crusada Weststraat – L.G. Smith Blvd ta cera e fin di siman aki. DOW hunto cu MNO Vervat ta trahando riba un sistema di riool pa evita cu awa ta keda para pa hopi ora largo, tin biaha hasta dia den bisindario di Aruba Trading den Weststraat.

Pa e dreñahe grandi cu ta percursa pa laga e awa bay mas lihe posibel pa lama, a coba un area basta profundo entre Royal Plaza Mall y e edificio di

Parada Central di Arubus. Pa esaki a uza tubonan hancha pa permiti e fluho bay mas lihe. Tur e trabou di e banda ey ta cla y awor mester traha riba e crusada mes pa yega cu e sistema di dreñahe te na lama, ing. Jossy Figaroa a splica.

DOW ta cera e crusada aki diasabra mainta tempran, pa MNO Vervat cuminsa traha den e parti ey y sperando cu pa diadomingo atardi caba e caminda ta habri bek pa publico. Ta pidi automobilistanan pa tene debido cuenta cu e cambio di trafico. □